

*He pūtea āwhina mō ngā kaupapa **ka whakahaeretia** e ngā tāngata ka whakamahi i ngā ratonga hauora hinengaro, hauā hinengaro, mā rātau rānei*

He Karanga Tono

Kei te karanga te Poari i ngā tono mō te rauna tuku pūtea āwhina o 2026.

Ko ngā tono ka tukua mai i 2026 nei me hāngai ki te aronga tuku pūtea āwhina **o tēnei tau**.

Te aronga tuku pūtea āwhina o 2026

He Hanga Pūmanawa, He Hanga Kōwhiringa, He Hanga Mana Whakatau Ka Tautokona.

Ka tautoko tēnei rauna tuku pūtea i ngā kaupapa ka whakakaha i ngā pūmanawa o ngā tāngata, te māia me te mana motuhake, kia nui ake ai te kōwhiringa me te mana whakatau i ngā āhuatanga o ō rātau ora. Me whakatairanga ngā kaupapa i te mana whakatau ka tautokona, me whakamana i te tangata kia whai wāhi ki ngā whakataunga mōna anō, me waihanga pūmanawa hoki puta noa i ngā hāpori kia riro mā rātau e ārahi, e tārai hoki i ō rātau ake tautoko me ō rātau ake anamata.

Ko ngā tono pūtea āwhina, me:

- Whai painga ki ngā tāngata ka whakamahi ināianei, i mua rānei, i ngā ratonga hauora hinengaro, hauā hinengaro rānei.
- Tuku mai e ngā whakahaere mahi aroha. Ka taea e te tangata takitahi, e ngā rōpū rānei kāore he tūnga mahi aroha te tono mai, engari me whai rōpū kaupupuri pūtea, kaitaunaki pūtea rānei kua whai tūnga mahi aroha ki te whakahaere i ngā pūtea mō rātau.
- Whakahaere e ngā kaiwhakamahi ratonga, mā rātau hoki, me te aro pū ki te 'aronga' pūtea o 2026.

** E kōrero ana te 'kaiwhakamahi ratonga' mō ngā kaiwhakamahi ratonga hauora hinengaro, hauātanga hinengaro rānei.*

** E kōrero ana te 'tangata takitahi' mō ngā tāngata takitahi o ngā hāpori hauora hinengaro, hauātanga hinengaro rānei.*

Ka eke ki te \$10,000 te uara o ngā takuhe ka tāpaetia ki ngā rōpū angitu. Ko ngā rōpū angitu me tuku mai i ā rātau pūrongo haepapa.

Kāore e arohia ngā tono tōmuri. Me tiroiro i ngā taipitopito mō ngā paearu māraurau tono pūtea [ki konei](#).

Te pūtea āwhina ārahitanga a Tā Robert Martin

Ka whakanui tēnei pūtea āwhina i ngā mahi a Tā Robert Martin ki te akiaki, ki te ārahi hoki ki roto i ngā hapori whaikaha i te roanga mai o tōna ora. Pānuitia ētahi atu kōrero mō te ora me ngā mahi a Tā Robert Martin [ki konei](#).

Ka whakawhiwhia atu tēnei pūtea tautoko ki tētahi rōpū mahi aroha ki te tautoko i te/ngā tangata takitahi kua whai hauātanga ako ki roto i ngā mahi akiaki whaiaro. E ākina ana ngā rōpū mahi aroha ki te tono mai mō te/ngā tangata takitahi kua whai hauātanga ako e hiahia ana rātau ki te tautoko. Ka raua atu ki ngā kaupapa whakamahi o te pūtea āwhina (engari kāore e herea ki ēnei anake) ko:

- Te whanaketanga ngaio/whaiaro
- Te whakawhanake hautūtanga
- Te pūtea āwhina i te nohonga e taea ai e te/ngā tangata whai hauātanga ako kia kuhu atu ki ngā mahi akiaki / te whakakanohi i te hunga whai hauātanga ako ki roto i ngā mahi akiaki
- Te haere ki te huihuinga hei painga mō te akiaki kaupapa mō ngā tāngata whai hauātanga ako
- He pūtea mō te / ngā kaiāwhina ki te tautoko i te tangata whai hauātanga ako kia kuhu atu ki ngā mahi akiaki (hei tauira ko te haere tahi me te tangata ki te huihuinga)
- He pūtea mō te / ngā tangata whai hauātanga ako ki te whakawhanake kaupapa pakihi

Kotahi te pūtea āwhina \$10,000 ka whakawhiwhia atu ki te whakahaere e angitu ana.

Te Tukanga Tono

1. Me rōpū mahi aroha rēhita te hunga tuku mai i ngā tono.
2. Ka tuwhera ngā tono [atu](#) i te **11 o Haratua 2026** i te 9am i te ata ki te **10 Hōngongoi 2026** i te 5pm te ahiahi.
3. Ka whakamōhiohia ngā kaitono i pēhea te tono i mua i te **31 o Hereturikōkā 2026**.

Tērā anō ētahi mōhiohio e wātea ana kei tēnei hononga: [Frozen Funds](#)